

樂

志

堂

詩

集

樂志堂詩集卷六

南海 譚 瑩玉生撰

論詞絕句一百首

對酒歌難興轉豪由來樂府本風騷承詩啟曲端倪在  
苦爲分明却不勞

謫仙人語獨稱詩菩薩鬘推絕妙詞並憶秦娥疑贗作  
盍將風格比温岐 李白

七言律少五言多偶按新聲奈若何清平樂合真衰颯  
縱入花菴選亦訛 全上

二李

君虞昌谷

詩歌供奉傳體成長慶益纏綿瀟瀟莫雨吳

孃唱製曲端由白樂天 白居易

臣本烟波一釣徒風斜雨細景誰摹日湖漁唱 陳允寶

洲笛 周密 漁父詞還似此無 張志和

章臺柳折太多情寒食東風句未精若使君王知此曲

曲兼詩並署韓翃 韓翃

温李詩名舊日齊樊南綺語說無題金荃不譜梧桐樹

恐並花間集也低 温庭筠

猩色屏風畫折枝已涼天氣未寒時香奩語豔無人儷

奈僅生查子一詞 韓偓

摩訶避暑有全詞花藥風流恐願師何俟洞仙歌隳括

點金成鐵使人疑

蜀主孟昶

能使陽春集價低浣溪沙曲手親題一池春水干卿事

酷似空梁落燕泥

南唐中宗李景

傷心秋月與春花獨自憑欄度歲華便作詞人秦柳上

如何偏屬帝王家

南唐後主李煜

念家山破了南唐亡國音哀事可傷叔寶後身身世似

端如詩裏說陳王

全上

香奩佳句少年時度曲偏令異域知不論生平論詞藻

也應名姓徹丹墀

和凝

醉粧詞作又何年韋相才名兩蜀先徵到小重山故事

遭逢霄壤鷓鴣天

韋莊

孟婆風緊太郎當誰憶君王更斷腸說到故宮無夢去

三生端是李重光

宋徽宗

製舞楊花曲最工花王誰比問東風須知三殿歡娛日

五國城中雪未融

宋高宗

喚柘枝顛亦自娛能稱曲子相公無柔情不斷如春水

認作唐音恐太諛

寇準

楊柳桃花調亦陳三家村裏住無因歌詞許似馮延巳

語語原因類婦人

晏殊

萋萋芳草遍天涯何預孤山處士家更譜長相思一闋

未應孤冷伴梅花

林

述

點絳脣歌不自聊閑情偏賦亂紅飄安陽出鎮蕭閑甚

回首春風廿四橋

韓

琦

大范勳華有定評小詞傳唱御街行至言酒化相思淚

轉覺專門浪得名

范仲淹

廣平擬議恐非倫賦有梅花事却真司馬溫公人物似

西江月又錦堂春

司馬光

不妨妙語本天成紅杏尙書說子京博得內人呼小宋

無題詩借玉溪生

宋

祁

儒宗自命却風流人到無名又可仇浮豔欲刪疑誤入

踏莎行與少年游

歐陽脩

空傳飲水處能歌誰使言翻太液波詩學杜詩詞學柳

千秋論定却如何

柳永

便有人刊冠柳詞霜風淒緊各相思縱難遽許唐人語

譜入紅牙板最宜

全上

歌詞餘技豈知音三影名胡擅古今碧牡丹纔歌一曲

頓令同叔也情深

張先

詞同珠玉集俱傳直過花間恐未然人似伊川稱鬼語

君王却賞鷓鴣天

晏幾道

大江東去亦情多燕子樓詞鬼竊歌唱竟天涯芳草語

曉風殘月較如何

蘇軾

海雨天風極壯觀，教坊本色復誰看。楊花點點離人淚，

却恐周秦下筆難

全上

訶憑法秀浪相誇，迴脫恒蹊玉有瑕。黃九定非秦七比，

后山仍未算詞家

黃庭堅

天生好語阿麼同，不礙詩詞句各工。流下瀟湘常語耳，

萬身奚贖過推崇

秦觀

山抹微雲都下唱，獨憐知己在長沙。一代盛名公論協，

揄揚翻出蔡京家

全上

未遜秦黃語畧偏，買陂塘曲世先傳。歐蘇張柳評量當，



位置生平豈漫然

晁補之

亭皋木葉正悲秋元祐詞家得宛邱著墨無多風格最

綺懷不獨少年游

張耒

詞筆真能屈宋偕鬼頭善盜各安排也知本寇巴東語

梅子黃時雨特佳

賀鑄

惜分飛見賞坡翁偉麗詞多祝相公楓落吳江真壓卷

東堂全集也徒工

毛滂

海棠開後燕來時燭影搖紅片玉詞此是大晟新樂府

榮安原唱盍相思

王詵

各推菩薩蠻詞好實使東坡到海南各各賞音同此調

我朝貽上宋花菴舒 亶

論到舒王遜一籌海棠未雨秀却風流李郎冠月淡雲

來去果勝郎中舊句不王安石

是佳公子自翩翩調雨催冰格宛然舞鬱輪袍仍逐客

淺斟低唱柳屯田王 觀

有人愛比夜光珠多麗詞傳到海隅誰說桐花絲柳遍

仲春時候綠陰無聶冠卿

聽喜遷鶯竟召還有漁家傲不須刪歸來獻壽將軍事

須念征人老玉關蔡 挺

斜川居士世東坡自作新詞自按歌一隊畜生言太酷

教人無奈曉鴉何

蘇過

杏花村館有詞題驛壁會煩驛卒泥未覽溪堂詞一卷

但名蝴蝶品流低

謝逸

敢說流蘇百寶裝唐人詩語總無妨移宮換羽關神解

似此宜開顧曲堂

周邦彥

新詞學士貴人宜獨步尤難市僧知唱竟蘭陵王一闕

君王任訪李師師

全上

碧山樂府世交稱獨二郎神得未曾攪碎一簾花影語

張郎中後竟誰能

徐仲

詞隱詞多應制成可容協律

晁端禮

與齊名長相思曲尤

工絕雨滴芭蕉滴到明 万俟雅言

周柳居然有替人聖求詩在益酸辛人言未滅秦淮海

名字流傳竟不真

呂濱老陳振孫書錄解題作渭老詞綜因之今從嘉定壬申趙師芳序

雲龕居士有人招伯可南來不自聊反覆炎涼誰屑道

文章名盛惜初寮

王安中

畫像偏教戴牡丹阮郎歸賦壽皇歡詼諧莫諂曾鶉脯

淒絕金人捧露盤

曾覲

伯顏軍已破杭州試問金華夢醒不麥秀黍離詞客感

銷魂真箇是天游

詹天游

香餘鴛帳冷金貌名相詞傳品未低唱徹聲聲蘇武令

人言作者李梁溪

趙鼎

序有胡寅未必知江南江北酒邊詞味如元酒心枯木

依舊看花不自持

向子諲

輕詆蘇黃太刻深倚聲一事却傾心流鶯不語啼鶯語

狡獪真憐葉石林

葉夢得

敢信坡仙壘可摩詞名無住却無多杏花影裏人吹笛

竟到天明奈若何

陳與義

西江月好足名家直許微塵點不加三卷樵歌名士語

此才端合賦梅花

朱敦儒

紅羅百匹總無嫌想亦無心學子瞻至使魏公緣罷酒

一腔忠憤洗香奩

張孝祥

小晏秦郎實正聲詞詩詞論亦佳評此才變態真橫絕

多恐端明轉讓卿

辛棄疾

斜陽煙柳話當年穉麗詞工又屑傳謹謝夫君言亦誤

兩詞沈痼實依然

全上

集中偏愛伎名垂一代宗英作者誰波底夕陽紅濕句

我家人語阜陵推

趙彥端

天下皆歌又禁中賞音能與古琴同鬼名點遍胡爲者

一語當師岳倦翁

劉過

生平經濟託微言文似龍川意可原亦有翠綃封淚語

散花菴選集無存 陳亮

玉照堂開夜不扃海鹽腔衍與誰聽滿身花影詞工絕

將種何須蟋蟀經 張鑑

蓮花博士曲新翻合是詩人總斷魂飛上錦裯紅縵語

千秋遺恨記南園 陸游

韓邸詞家一大宗四方善頌可無庸早知冰腦防難及

顛裏周旋守箇儂 廖瑩中

酒肆屏風果墨緣尙扶殘醉玉音宣斷橋迴異橋南路

賦玉瓏璫竟不還 俞國寶

竹齋名藉草堂存沈鬱蒼涼一代論刻翠剪紅原不屑

唱酬唯有岳王孫 黃機

果被梅花累十年後村別調有人傳與郎眉語伊州錯

快語何嘗不可憐 劉克莊

平江伎唱蒲江曲春色原無主屬誰可有淵源關綺語

大防文集四靈詩 盧祖皋

石帚詞工兩宋稀去留無迹野雲飛舊時月色人何在

夏玉敲金擬恐非 姜夔

前無古更後無今可向尊前一集尋錦瑟未知終不信

小紅低唱有餘音 全上

赤壁詞誰眼更青劍南詩法未凋零豪情壯采東坡似



低首天台戴石屏

戴復古

和天也瘦語真癡語未經人竹屋詞端恐梅溪無此語

爲春瘦却怕春知

高觀國

清真難儷况方回椽吏居然觀此才縱使未堪昌谷比

斷腸挑菜或歸來

史達祖

綺語能工債亦酬一分憔悴一分秋鄱陽詞法兼詩法

怪說詞家第一流

張輯

道家裝束恨難尋許國生平却不禁和摸魚兒揮淚別

憐才始侑百星金

吳潛

四卷詞編更補遺夢牕詞比義山詩得君樂府迷能指

履貫誰傳沈伯時

吳文英

梨花好夢不曾圓忙恨東風咏水仙辛苦後村評隲當

雪舟相識十年前

萬孝邁

此中甘苦劇難言選得新詞廿卷存果散花菴詞特妙

羊車過也又黃昏

黃昇

江湖遁迹竟忘還詞品尤推蔣竹山心折春潮春恨語

扁舟風雨宿閒灣

蔣捷

歸去山中臥白雲王孫憔悴總能文不名孤雁名春水

豈藉揄揚始重君

張炎

悲涼激楚不勝情秀冠江東擅倚聲詞格若將詩格例

玉溪生讓玉田生 全上

曉起簾櫳翠漸交鶯聲春在杏花梢獨將雅正 張炎評語

西麓賸粉零金語欲拋 陳允平

相思無處說相思妾欲移心恨未知誰謂山民工小令

至今人說四靈詩 徐照

觀者直求形似外弁陽不爲一詞言夢輕怕被愁遮住

似此能無斧鑿痕 周密

舊選中興絕妙詞更名絕妙好詞爲效顰十解人人擬

直比文通雜體詩 全上

棄官長短句工吟故事花翁集裏尋人物語應無市井

當留此論作詞箴

孫惟信

花間集外名花外直欲填詞繼歷朝聞雁秋燈秋雨裏

故山歸去總魂銷

王沂孫

獨爲秋娘感慨深三生杜牧李南金賀新郎譜青衫溼

淪落天涯自古今

李南金

從容柴市曲偏工聲倚昭儀驛壁中未有無情忠與孝

沁園春卽滿江紅

文天祥

參政何人竟北留木蘭花慢送歸舟杜鵑教我歸何處

各極芊綿一樣愁

陳參政

詞工詠物半遺黎樂府何勞更補題易世恐興文字獄

子規誰許盡情啼

綠肥紅瘦語嫣然人比黃花更可憐若並詩中論位置

易安居士李青蓮

李清照

一餅一鉢可歸來覓覓尋尋亦寫哀自是百年鍾間氣

張秦周柳總清才

全上

幽棲居士惜芳時人約黃昏莫更疑未必斷腸漱玉似

送春風雨總憐伊

朱淑真

寄憶秦娥語不深海棠開後到如今酒樓依館皆傳播

信是旗亭獨賞音

鄭文妻孫氏

天台伎合賦桃花限韻詞工益作家怪得有人心爲醉

鵲橋已駕恐緣差

巖葉

果屬唐人未可知禁中傳得擷芳詞燕來時也無消息  
一語令人十日思

倚聲誰敢陋金元由宋追唐體較尊且待稍償文字債  
紫藤花底試重論

又三十六首

專論嶺南人

竟傳仙去亦多情得近佳人死也榮

見歷代詩餘

誰謂益之

能直諫生平願作樂中箏

見阮通志黃損

但許詞家品已低推崇獨說李文溪出師拜表如忠武

水調歌頭劍閣題

見崔清獻集李鼎英跋崔與之

不知履貫亦稱工

楊升菴詞品謂昂英資州盤石人蘭陵王一詞絕妙

忠簡生平

六一同獨說蘭陵王一闕曉風殘月柳郎中

見文溪集孫文燦跋

李昂英

柳周辛陸事兼能

劉潛夫語見花菴絕妙詞選並絕妙好詞賡

論到隨如得

未曾豈獨後村評臨當心傾周密又黃昇

劉鎮

念奴嬌曲賦梅花

見廣東文選

譜賀新郎聽琵琶

見詞綜

絕妙

好詞偏未選咸淳以後足名家

陳紀

感到滄桑覆瓿集名宜秋娘猶在足相思

舊日秋娘猶在否集中蘇幕遮

錢唐避暑憶舊語

集中多用清真韻秋曉詞

集名同片玉詞趙必

老樹孀然也著花秣坡仍未算詞家薄情鶯燕偏相惱

稗坡先生詞集  
中風入松詞語  
詩學西菴見獻  
微錄竟不差黎貞

風韻何營樂府殊白沙遠過邵堯夫春風沂水人千古

也學炯波舊釣徒按白沙集有長短句一門實雜體詩和體志和原作各家詞選俱收調名漁歌子而白沙譜之殆詩餘矣陳獻章

石屏家世獨文章清節先生見粵大記總擅場新酒諒難降

舊恨宋人風格滿庭芳見廣東文選及詞綜戴棬

却金亭築表清風使朝鮮時事見黃通志偉麗詞傳應制同蠻徼

弓衣應織遍滿朝懽又滿江紅見廣東文選祁順

雙槐手植見黃通志與蕭然著述何須樂府先宋末補題工

詠物持螯曾譜鵲橋仙見楊子扈言閩集黃喻



倚聲屈指到文莊人似流鶯語可商人似流鶯老稿中青玉案詞語春

思宛然秋思好生查子與應天長瓊臺彙稿存詞十九關唯三闕稍工耳

邱 濟

水調歌頭調獨佳涓厓集存詞廿一闕俱填此調誰容奮筆寫胸懷以

人存亦談詩例未甚傾心霍渭厓霍 翰

文章官職遜而翁偏至填詞格調同見勉齊集自鄙無譏誰

過刻前明樂府鮮宗工霍與瑕

西園詞稿不須添著等身書韻偶拈獨釣罷時還獨汎

見西園存稿喜無一語近香奩張 萱

千秋歲又桂枝香腦滿腸肥儘吉祥賦罷郊居見木齋集

峒苑

見阮通志

敢古文福四留堂

四留堂稿附詞七闕 盧龍雲

海目詩存十手鈔

前明吾粵區氏稱詩者數家而海目先生稱最無詞

見泉詞律

畧推敲滿江紅外無多調

見泉集附詞十闕俱填此調

范履霜能與

解嘲

區元晉

感切興亡問著書北田遺集附詩餘曼詞未敢相推許

小令鏗然不去廬

集名何絳

長相思與浪淘沙

見歷代詩餘

不為忠魂許作家第一才人

見阮通志

餘枝稱死生消息有蓮花

見番禺志韓上桂

不唱吳歛唱嶺歛

集名

堂開顧曲

見薛始亨撰傳

也須與金琅玕

傳寫桃榔下

見中洲草堂集附詞自序

實與升菴格調殊

王阮亭謂喬生詩似

用慎脩格調

陳子升

國初抗手小長蘆除是番禺屈華夫讀竟道援堂一集

彭孫祇說擅倚聲無屈大均

嶺外論詩筆斬新六瑩堂冠我朝人倚聲僅有山花

子不弔湘妃見國朝詞綜弔洛神見國朝詞雅六瑩堂集附存詞十八闕而兩闕俱

不存  
梁佩蘭

千秋得失也須公獨漉詩名蓋代雄祝壽餞離兼咏物

獨漉堂集附詩餘一卷類多此等題倚聲何敢過推崇陳恭尹

嶺南竟有玉田生翫覺稱詩浪得名試覽南樵初二集

初集附詞十六闕流聞猶藉賦風箏見廣州府志

二集附詞三闕  
梁無技

芙蓉月下麗人來翦翦西風對菊開

見四桐園存稿眼兒媚一斛珠兩詞

有四桐園工小令不教苦子

名璜鎧之兄

擅詩才

陶鎧

門掩梨花雨打聲至今腸斷摘紅英真吾閣在伊人死

誰譜孤舟棹月明

真吾閣集詞唯摘紅英明月棹孤舟兩闕特工許遂

琵琶楔子

傳奇

寄閑情合大樗堂外集評解賦無題詩百

首

見番禹志

固當秦七是前生

王集

日上坡亭

集名

按歌辦香當屬易秋河才名足動張文

烈

見鶴山縣草志

綺靡新聲奈汝何

易宏

耆舊凋零得報之菊芳園集有填詞移橙閑話人收取

說紫棉樓樂府誰

菊芳園詩文集移橙閑話紫棉樓樂府并夢瑤撰何夢瑤

對此茫茫譜曲宜無多心血好男兒詞人北宋推黃九

並逃虛閣買未解逃虛閣所師 張錦芳

樵夫情韻特纏線小閣何因署藥煙少作芙蓉亭樂府

中年哀樂總釐然 藥煙閣詞鈔二樵著閣綠婦病得名

簡

祕書郎 自鐫上清祕書郎小印許魯靈光便署陽春錄 陽春人不妨

三疊柳枝誰為唱 著有柳枝詞九首有三疊平韻聽雲樓 集名圮月如霜

譚敬昭

曲付玲瓏舊酒徒官場滋味困倪迂 并茶嶠舍詞稿花犯觀劇戲作語

蒨煙等雨茶嶠舍便算羅浮與鼎湖 見味辛堂詩鈔自序倪濟遠

倚聲猿鳥助蕭颯過客能來羨汝曹生長最佳山水處

讀書臺與釣臺高黃球太學生有讀書臺懷古憶君王一閱黃鵠觀諸生有峽中漁步蟾宮

一閱歐嘉逢有遊飛來納涼菩提樹下夢回偶調漁歌子一閱并國朝清遠人并見禹峽山志

落落寒雲獨倚樓遠懷如畫一天秋并見明詞綜得程民部詩却寄小重

山詞此才不讓程民部佛屋填詞也白頭今釋

偷覷鴛鴦不自知偶然心事上雙眉分見蓮香集如夢令風入松兩詞

男兒慣作蓉城主鱗屋龍堂合嫁伊亦見蓮香集張喬

又四十首專論 國朝人

白髮飄蕭事可知江南祭酒獨稱詩閒官大有滄桑感

宋玉微詞莫更疑吳偉業

塗澤爲工足寄情生香真色殆分明海棠開否芭蕉綠

一品官閑獨倚聲

梁清標

窮始能工到樂章曼聲哀豔越齊梁詩文望重遭逢慘

淒絕萊陽朱荔裳

宋 琬

怯月淒花不可倫卽焚綺語

見東皋雜鈔

亦周秦大科名重

千秋在 開國填詞第一人

見倚聲集彭孫通

我 朝供奉典裁詩大筆淋漓顧曲宜豔說君侯腸斷

句王揚州亦少年時

王士正

千秋公論試評量南渡詞人特擅場十五家同收 四

庫定知誰許魯靈光

我朝詞集四庫所收者唯珂雪詞十五家詞餘俱存目耳曹

貞吉

語本天然筆不休將軍射虎也封侯老名士是真才子

法曲飄零總淚流 尤 侗

奉 敕填詞教小伶人非曾覲 海却曾經我如十五雙

鬢女把酒東風祝不停 吳 綺

無情誰許作詞人情孽惡能語逼真遠寄漢槎金縷曲

山陽思舊恐難倫 顧貞觀

家世文章第一流如猿啼夕雁吟秋縱王內史生平似

見茶餘何必言愁也欲愁 性 德

沈博文章點筆成酒樓妓館倏知名陳周徐庾唐溫李



轉作詞家總正聲

毛奇齡

偶然聲價重雞林詞苑叢談說賞音此事何嘗關閱歷

秋笳集窮塞入孤吟

徐鉉 吳兆騫

齊名當代說王朱樂府還能抗手無少日桐花名麗絕

也應心折小長蘆

朱彝尊

載酒江湖竟讓誰疎狂不減杜分司銅琶鐵板紅牙拍

各叶迦陵絕妙詞

陳維崧

人如倪瓚特蕭閑

見木事詩

綺靡緣情語早刪小令見推樊

榭老固當標格異花間

嚴繩孫

詩名不賤

見秋錦山房集序

竟何如二李名齊足起予人似武

曾須學步夢臆綿密玉田疎

李武曾

倦圃

秋岳

人歸有未邊

集名

朔南萬里倚聲先反從北宋追

南宋朱十言夸殆未然

李符

積書多亦如書篋况僅詞家備宋元讀到小方壺一集

居然作者莫同論

汪

森

妾是無鹽君太冲善言兒女竟誰同易安居士談何易

宋牧仲語見詞苑叢談

殆宋尙書曲未工

董以甯

詞家人競說堯章端恐前明做盛唐買茶豈須求益者

無多著撰實姜張

沈岸登

粉署仙郎愛讀書湖山歸夢也終虛江南江北相思慣

紅藕莊詞比藕漁 龔翔麟

同居咸藉 見陳其年浙西六家詞序 也名齊飲水能歌獨柘西自許

玉田差近者 集中再題蕃錦集語 低徊蕃錦集重題 沈嶠日

簾波詩事 見東臯雜鈔 特風流歷代詩餘 命纂修南宋辦

香誰較近蓉湖漁笛譜贊洲 杜詔

大宗誰並曝書亭蓋代才同浙水靈竟是我 朝張叔

夏至今風法未凋零 厲鶚

綠陰如幄又江南琴鶴翛然理共參 見蒲褐山房詩話 似學道

人工綺語幻花菴亦散花菴 張梁

押簾 集名 風致亦嫣然把臂知從石帚先薺茶孟嘗君莫

笑人推絕妙好詞牋

查為仁

論詩能廢盛唐無北宋何嘗不可慕頗愛太倉王抱翼

恥偕同社逐時趨

王時翔

詞品羣推第一宜瀟湘聽雨未還時

著有瀟湘聽雨錄

由來絢

爛歸平淡苦學花間一輩知

江昱

苦心孤詣得清空橙里居然樂笑翁句集一家成一卷

集山中白雲詞一卷

竹垞蕃錦說天工

江昉

不付兜娘欲與誰當年樊榭竊相推紅牙久寂紅闌

閣名

折可有人傳薛鏡詞

張雲錦

江珧柱更荔枝添日日停琴對不嫌

嘗以韋左司有對琴無一事語作對

琴圖復以對琴自號自是唐堂工獎借松溪漁唱殆難兼汪楙

蓋代詩名山斗重崑嶽磊落更淋漓便將詩筆為詞筆

熱血填胸一灑之蔣士銓

蒼茫放筆轉欬歔詩畫書名却未如文到人情端不朽

直將詞集當家書鄭燮

纖穠誰信作忠魂媵雅堂詞一代論莫向麗華祠畔唱

衰宏血碧事難言趙文哲

無端綺語債誰償朱吉人謂君有香奩詞一卷現到曇

華集名總擅場詞客千秋同此恨為他人作嫁衣裳張熙純

頭銜未署柳屯田袁蔣詩工合讓先却被淺斟低唱誤

如何情韻不芊綿 黃景仁

二陸才多擅倚聲文章碧海掣長鯨頗嫌樂府香奩語

孤負冰天雪窖行 楊芳燦 揆

巧獨天工不可階鏤冰翦雪費安排我朝亦有吳君

特七寶樓臺拆儘佳 吳錫麒

文工選體筆峻嶒餘事填詞得未曾時論固知君不囿

見小謨觴館 詞集自序 一空依傍轉無憑 彭兆蓀

起居八座也伶傳出塞能還繡佛靈文似易安人道韞

教誰不服到心形 徐燦

詠馬 錄三十五首

牝牡驪黃外天機不可求下材偏使往三月醉沙邱  
駮狀仍難得田間乳虎分晉平今不少自命霸王君  
老馬依然在何嘗識路塗齊桓斬孤竹端賴管夷吾  
知己終難遇人爭讀相書何嘗無伯樂偏久服鹽車  
千里材難覲如何食馬肝荆卿何足責無謂笑燕丹  
千里復千里馳驅無已時溘然君馬死錯怨路旁兒  
毛色爲名號周王八駿同各行三萬里却以盜驪充  
行地生宜健驍騰迴不同前身原紫燕飛入未央宮  
名留日者傳天下數黃

直

陳

君

相馬男兒事專精到婦

人

伏櫪雄心在，翻成戀棧多年時。烈士少莫擊唾壺，歌  
能令戾虢滅，何慮齒頰加。所愧飛龍廢銀槽，閱歲華  
馬癖推王濟，編錢重品題。臨流不肯渡，但惜錦障泥。  
頗憶齊高緯，青廬繡帳中。駁龍金玉飾，新錫號儀同。  
牧馬王毛仲，場中錦繡堆。爛然相間色，天子仗邊材。  
愛似哥舒翰，朝章可上聞。北林兒駿甚，未似赤將軍。  
韋鮑均同好，馳驅力已殫。年來紫叱撥，欲換美人難。  
非凡不可馭，抑塞總難平。如鳳如龍者，時無李幼清。  
世人嫌款段，骨相亦騅駟。下澤車宜稱，吾師馬少游。  
此願封官耳，鳴跳豈不良。獼猴且供奉，特敕賜龍驤。

見



牕小  
牕

芻豆尋常者無言歲月徂邇來惟立仗當笑一鳴迂  
語紀顏夫子相窮恐未應年時東野畢善御却交稱  
善畫觀藏畫何如廢馬形廢中人相馬偏又藉丹青  
華屋露牀死敝帷優孟噉有功何可忘葬以大夫宜  
泛駕知多少仍期御者良奔蹠致千里勲業果非常  
馬邑舊名城秦人屢築成威靈難遍歷父老各經營  
縱有征無戰當思跋涉艱但令佳馬在端使侍中還  
突厥情移營弓彎霹靂聲本兼雷電比總管擅威名  
可有忽雷同嘶鳴不食終誰如秦叔寶同醉月明中

紫玉成鞭轡超光趣影儔郭汾陽復見此亦九花虬  
一馬養幾卒馬肥先瘠農騎兵三萬五撫髀到明宗  
曹家戰馬嘶江表厭征鼙痛採桃花去仍煩綠耳梯  
其奈荆王惡旋毛豈病耶上閑推第一珍重碧雲馱  
名馬如名將無因殺曲端瀕行呼鍗象逮者淚偷彈  
畢將軍已死聳耳涕汪汪金鼓聲何急猶思赴戰場  
眇偏能罵蹇誰屑解聲音有日平驕虜長鳴萬馬瘖

樂志堂詩集卷六

樂志堂詩集卷七

南海 譚 瑩玉生撰

繳阿芙蓉詩

獸艦嵯峨獨檣填波

見文獻通考

海風腥黑阿芙蓉多狼機

守護錦帆當路海日空明阿芙蓉駐互市督臣之所司  
拒關諫臣之所知大臣奉

天子命懷柔震盪靡不宜汝英吉利汝胡不逃將軍天  
下雕旗銀刀汝英吉利汝胡不死幕府地遙叢矛注矢  
汝英吉利汝胡不歸蓋舳櫓岸合長圍汝英吉利汝  
胡不返水榭霞廊廚空未飯大臣之心中外所欽大臣

之諭顓愚可悟大臣曰兵霧閣星營大臣曰屬吏繡鞍  
玉轡大臣曰商鍊軸牙檣不繳汝不能飛不繳汝不能  
出殺人者抵殺億萬人者議遵何律羈縻勿絕敢沿其  
說纖悉不畱亦復何求鼓角哀蠻酋來高冠兮長劍面  
色作死灰釜魚籠鳥吁可嗙然犀相逼知多少萬八千  
箱排日了羽檄催關市開鬱林石壓空船回驚聞大臣  
又傳令鶯粟香濃還未淨蝨爾西洋早傾聽巨浸茫茫  
獨澳門市舶先朝泊蠓鏡

書事四首

百年流毒遍中原 詔許銷沈不復存犒賞本當求

聖主稽留何以答諸蕃蠻酋狡獪戈船徙大帥威名幕  
府尊犀兕虎狼情性類能開湯網亦君恩

編查路隔海漫漫循吏誰行保甲完或者敵情原反覆  
由來民力易凋殘宣威殆欲兼恩信草弊仍當早又安  
孝子順孫非此輩桃僵李代膽先寒

覽鏡端疑相不侯何妨逕斬月氏頭羈縻勿絕相沿久  
控馭綦難到此休法外意唯賢相得死中生獨古人求  
贊皇勳業非常者也爲籌邊預築樓

誰言民命許私和讞決無由竟若何原可調停如轉轂  
不教羅拜各投戈戎心此後包藏固軍事從今曉暢多

記取廣州全盛日展重陽節醉時歌

戰艦行

罌粟香銷毒龍死艤幢如山亘百里五管何妨長閉關  
羣蠻誰容復互市大臣虎門親督師小醜肯令重置辭  
獨檣遠颺宜可截巨礮陡發幾難支軍門大呼勞戰士  
收帆繫纜火激水戲絕檣蒲運甓難醉耽麴蘖投醪似  
草棚之諱見通志將無同柁樓榜墮猩血紅多多善比收  
餘燼緩緩歸仍敢下風霹靂欲鬪天如夢鄒魯當年真  
一闕龍雀刀環特自持佛狼機焰聊相送鹽艚而外卽  
拖營壁壘森嚴到幾層咄咄逼人看莫悟姍姍來者敵

應憎急繕封章先入告

帝特錫巴圖魯號功成宜築髑髏臺但說沿江覓倭帽

雙節詩爲南海陳氏兩節母作

妾年未老妾年均未老妾適而翁非草草妾不適人妾

有孤兒在襁褓各有孤兒在襁褓解一妻有嫡庶子無貧

富子富當教以詩書子貧當教以詩書不讀書非通儒

不讀書皆凡夫解二兒讀書母紡織母同紡織午飢寒兮

日沈沈冬缸閃兮風淅淅兒罷讀書母仍紡織母仍同

紡織解三讀書兒有成兒更能成身後名身後之名不可

必母尙咎兒母無力使我聞之心轉惻解四不知何自聞



長官觥觥

天語旌其門 丹詔頒來閭左喧 鉅公才子詩千篇 躋

堂肅侍王母筵 母竝幽閑如少年 母尚憂危同少年 五解

母本不計年 母更不愛名 但願撫孤同有成 但願此後

孀發撫孤皆有成 吁嗟乎撫孤同有成 天却限以年天

獨遺其名 六解

積雨寒甚偶賦 錄三首

尋常竟月雨連綿 不信居然比漏天 女葛孃蕉都拋却

傲人坐客有寒氊

檐溜瑟瑟當雪聽 曉行隨地蘚痕青 夜堦急雨何曾歇

盡擬逍遙六館銘

不徒江雨夜聞多  
山木蕭蕭獨寤歌  
羨煞隔溪垂釣者  
等閒難著是漁蓑

畫墁堂夜坐

庭空半殘月  
螢火入涼煙  
竹柏影成畫  
香花心悟禪  
倦游疑隔世  
多故逼中年  
靜境無人共  
支琴獨未眠

聞警三首

全局仍當借箸籌  
太平偏令缺金甌  
孤懸海外原難守  
欲返江南可自由  
天下軍儲多或辦  
舟山縣境亟宜收  
前明倭寇原殷鑒  
獨恨兵端迴不侔

重臣表薦特和衷閩浙燕齊一水通論到持平中外似  
覺由激變往還窮知兵原愛周遐邇報國無勞効樸  
忠聞道福州頻奏捷模糊或與虎門同  
沿海騷然亦可哀片帆東指又登萊懷柔原許宣君  
德勦撫何嘗愧將材誤國病民明旨在貪功喜事寸  
心灰津門咫尺連畿輔馴象生犀萬里來

後戰艦行

大角沙角兩臺破蓮花山中張酒坐雕旗銀甲列華筵  
文犀翠羽通蠻貨國家承平二百年重臣往往工籌  
邊失計胡爲至割地愚忠或者能回

續波羅曲 有序

辛丑二月八日島夷直犯虎門逕抵尉佗城下廣州城  
鄉移居避寇不暇虔修祀事兀坐篷牕心緒薄惡漫賦  
十絕句以當勞者歌焉

火船如火到兵船三版船輕謁廟先廟祝不知神誕日  
進香人總待明年

東南風緊却誰司獵獵紅旗照水湄自是五羊當劫運  
問神如總不曾知

太平時節豔陽春綠道香花競賽神不道今年烽火急  
廟門臨水閩無人

龍堂端合帝王居

見新語

罌粟香銷倘有餘怪底風霆俱

不作重洋都賸藥渣魚

木棉花暖鬧春風片片吹來戰血紅啼徹數聲行不得

亂飛山鷓影堂空

羣靈環拜冕旒尊直控魚珠又虎門歲歲酒旗歌板地

犀渠鶴膝可成村

小閱滄桑感慨多昔曾選舞復徵歌如今總付華嚴劫

獨酌村醪喚奈何

蠟淚成堆慘不明漁樵閒話憶承平依然共誓王靈

爽不殺村農止殺兵

金幡玉册殿門開  
火艦風船任往來  
二百年來全盛者  
鯉魚風散紙錢灰  
無端又說錦帆收  
驕虜偏難廿日留  
好語海防諸將吏  
摩挲銅鼓答神庥

西樵村居

離亂纒經賦索居  
村春鄰火亦吾廬  
鷓鴣巢借魂初定  
款段車乘願本虛  
滄海橫流偏得此  
秋風所破復何如  
名山未許塵蹤到  
屢約游白雲洞  
諸名勝不果  
暫憩行庵讀道書

懷故園兄弟

閒身仍健在  
且作太平民  
喪亂田廬贖  
羈孤骨肉親  
功

名須少壯閱，慙悔風塵百口俱。無恙傳來信息真。

懷冕士廣文欽州却寄

昔年同住五羊時，約買扁舟學釣師。願我獨留原倖免，羨君從宦似先知。故人聞亂應相憶，吾輩憂生本太癡。便寫數行書札寄，早攜家去不曾遲。

返里後寄呈區仁圃師

攜家何意遠相依，喜極翻令淚滿衣。擁護竟忘緣避亂，團團何忍遽言歸。原甘蹈海身偏在，豔說還山計總非。琴劍依然城市返，白雲松樹寸心違。

生計商量及米鹽，真同骨肉各無嫌。人當患難交情見

我值飄零旅夢恬井里蕭條需保障林泉清暇冀莊嚴  
頻供菜把尋常者愛敬深慙地主兼

可學鴟夷泛五湖貨舂迴與伯鸞殊疎宗也解推恩愛  
鄰境奚從敢覬覦吾輩結交誰任俠窮途感激到妻孥  
百年世事兼身事

遣山句

獨爲論文酒百壺

### 聞鼓角聲感賦

欲夜沈沈斷復連一聲聲入沈寥天山樓粉堞西風急  
水驛紅旗落日圓瀕海干戈思易將中朝封事悔籌邊  
太平未必全銷歇獨被兵時覺悄然

### 題友人亡妻畫像

錄一



但到花殘月缺時間天天總不能知有人容質輸徐淑  
也近中年永別離

余以甲午悼亡

題某提舉授書圖小照

錄二

生計甘同食字魚偏令老驥服鹽車自言轉羨村夫子  
穩坐茅齋說四書

販繪屠狗也封侯商賈農工豈自由千古才人同隕涕  
謀生無術強低頭

寄招銘山大令

綽著循聲靡不宜羅虬獨賦比紅兒旗亭畫壁年時事  
唱徹黃河遠上詞

緣道香花合掛冠歸來重覓瑟仄 琶彈憐君絕異袁于  
令不爲三聲竟罷官

聞試礮聲感賦

巨石發以機古來卽名礮鑄始佛狼機前明復誰教我  
朝天聰初製造業精妙助威大將軍天佑寵厥號

開國二百年稱兵輒先導 神武久無敵亦云養士報  
逆夷敢肆逆沿海逞兇暴 太平却忘戰武功付談笑  
兒戲類棘門元戎坐長嘯邇來承 廟謨召募遍海徼  
演習脫手燃連珠等竹爆使當春夏間奚容鱗火燎憑  
仗 國威靈庶幾匪同調側聽心忡忡蒼茫立殘照

呈宮保祁制府竹軒師三首

昔人慎開邊羈縻使勿絕况當折衄初根株恐難拔  
國脈貴培植人心宜固結事本忌因循勢尤恐決裂兵  
端構何人夷氛痛今日元戎具壯猷奚俟芻蕘說功難  
欲速成會見貪狼滅

幕府欣重開敷政心如水平未敢先異同實與相終始弭  
患當和衷燭幾非坐視論功知泊然引咎亦宜耳仰蒙

特達知重臣敢希 旨玉節 朝右來星輶嶺南指

所進皆時髦風謠採閭里微言涇渭分重寄東南恃欲  
語羞雷同勦撫究誰是

前明遘倭患被兵四十年封貢等兒戲何以援朝鮮我  
朝論武功天壤誠相懸生既類犬羊逐當同鷹鷂但  
屈撫瘡痍亦當防未然慮勝而後動習聞古聖賢助鑑  
甯不早卓裁諒所先此事繫全局操縱原關天寸心抱  
區區裁詩獻軍門

閏三月三十日學海堂餞春

有序

春日可惜春人易哀流光若徂志士所痛若夫閏值重  
三之月平添九十之春及時以行樂可知排日以爲歡  
而已顧值島間有國波外無天藐是流離卽逢喪亂慙  
學韓退之之驅鱷悔比温太真之然犀余脩然市隱本

樂村居且攜眷以買舟刺桐開遍暫依人而覓壘社燕  
來初習看鼓鬧紅么頌禱則宜蠶保麥瞥見樽傾藍尾  
傳聞樂質贖琛半生細數從頭今者彌驚彈指山堂  
原問業之所晦日當饑春之期嗟冉冉之光陰本來難  
駐恐冥冥之氛祲究未全銷偶返敝廬聊爲此局縱殊  
丁令真化鶴以歸來宜若祖生共聞雞而起舞昔元承  
旨以何處生春早命篇龔端毅尙書和之寄意香奩娛  
情閨閣竊仿其製得春從何處去十首畧同張壯武之  
勵志兼企阮步兵之詠懷庶幾香火緣深拂奚煩乎舞  
袖英雄氣短擊任缺乎唾壺爾

春從何處去春去曉風暄盛極端難繼淒其不可論倘  
懸澄水帛誰記護花旛况近孤城角紅旗獵獵翻  
春從何處去春去夕陽低熟僅占羊脚迴難仗馬蹄轉  
憐春最老依舊日平西鎮海樓頭望黃昏厭鼓鼙  
春從何處去春去雨廉纖梅子黃遮徑藤花紫壓檐枯  
棹聲久歇笠屐到誰嫌戰艦旌旗濕軍屯歲月淹  
春從何處去春去水漣漪渺渺愁相隔滔滔事可知濤  
翻獅海壯潮落虎門遲兩度逢元已流觴玉液池  
春從何處去春去綠陰肥城枕山三里村環碧四圍故  
園多契闊喬木倘依稀縱道春如舊蟬聲事總非

春從何處去春去落紅疎不有三旬再居然五月初射  
柳此開卷瘞花誰荷鋤模糊戰血似數片諒無餘

春從何處去春去鳥應知布穀頻催我提壺苦勸誰五  
更兼曙後今歲倍春遲辛苦從軍者真應聽子規

春從何處去春去蝶先愁此月三生夢無花萬事休撲  
應重戒禊飛盃竟羅浮便逐神仙返人間不可留

春從何處去春去換單衫鐵甲心偏冷羅衣淚可緘采  
芳餘艾蒺釀暑憶松杉還聞渡瀘水忠武本非凡

春從何處去春去上銀燈閑甚空懷舊蕭然欲近僧撫  
時身慙轆對影髮鬢髻竟夕傳刁斗山堂宿未能

回頭雁翅城臨水去去逢山洗眼看

求官四首

摩頭鼠目也求官消息驚聞膽亦寒原忝故人宜倒屣  
是何年少各彈冠兵機失縱防千慮時局非誰策萬難  
忠憤豈真無一二府中趨謁淚偷彈

敬容殘客竟誰延琴劍中州又極邊游世工原推此輩  
從軍樂反唱堯年喜談經濟均無補或倖功名倘有  
緣木屑竹頭陶侃願未應爭到米船先

鮮衣怒馬日當關解讀兵書亦等閑爛本羊頭真善謔  
足同狗尾亦清班偶然哀樂供陶寫服到心形愛往還



大抵韓宏今不少惜無人比李光顏

檀公上計本尋常餘焰曾分劍戟光喜極不知人笑罵  
憂來原有地埋藏五仙羊石威靈在一舸鳴夷去住忙  
同是燕巢飛幕似主恩深重各評量

瑣院三首

主持直道到書生百犬由來總吠聲瑣院試完仍未務  
捲堂文作有公評無端幾欲清流盡所訐原期大獄成  
試觀廈門焚掠慘冬烘容易說知兵

幸保生靈十萬存茫茫功罪與誰論鬼謀業見同曹社  
兒戲須知似棘門駟僉奇癩人竟惑搢紳遺禍事難言

角巾東第翩然返浩蕩如天 聖主恩

戰守綦難勢莫支眾原烏合繫安危更求良策非無補  
艷說奇功亦太癡作事本同弦上箭遣愁難仗酒邊詞  
亂離酷怕談時局消息傳來諉不知

兒輩購得蓮草瓶花作書齋清供戲成長律

從霧中看爛若霞十分春與競鉛華翦紅刻翠閒情寄  
鏤雪裁冰本色差買得畧同繙畫冊折難端未稱詩家  
年時事事真成幻敢笑原來不是花

尋常草木有根源形似均多剪刻痕色色空空聊寫意  
紅紅白白倘銷魂風雲變態原無定天地真機不復存

折得園花偏愛惜，欲斜開落可同論。

吟看醉艱兩無因，入座從來不算春。酷費工夫仍得半，  
難空依傍也生新。偏如造物曾留意，苦爲羣花各寫神。  
似此暄妍翻耐久，無人憐惜本非真。

便算園芳浪得名，半開全放迭裝成。二分流水何曾著，  
幾度春風總不驚。永欲拋離香一瓣，笑教倚傍石三生。  
街頭亦有閒花草，價轉相懸覺世情。

亦折枝花奈汝何，翦秋紗抑翦春羅。俗宜共賞誰堪贈，  
趣覓天然覺太苛。入畫迴殊名手畫，入樽難稱醉時  
歌。偏教桃李聯芳日，蛇紫嫣紅造作多。

也同清供暫徘徊香雨奚從著研臺摹仿有人矜畫法  
淹留緣爾減詩才問名細數無雙品破格相煩第一回  
填海近聞須大木園林春到有花開

紙薄人情與俗宜經營慘淡一枝枝鶯花局許雙身在  
時世粧成百種奇柴汝官哥均不屑紫黃紅素各能爲  
嶺南春信由來早偏使流傳事可知

復愁擬杜

寂寞無車馬行庵過者稀五湖空闊甚難覓釣魚磯  
老學文園今天寒慣典裘倦游論劍術奚暇覓封侯  
課雨量晴慣閒官總未知年來米價賤翻使力農飢

籌海煩諸將殘年復請兵似聞龍戶說酷厭鼓鼙聲  
西湖原可住復遍種梅花羨煞林和靖翛然處士家  
殘月如新月晴雲雜雨雲故人書札到江上久從軍  
積雨夜瀟瀟寒燠伴寂寥邇來多不寐非爲聽芭蕉  
一統車書日偏論戰與和侈言經濟昔談笑靖干戈  
非常功易建所貴各無私王霸終治郡聲名似舊時  
縱似八州督何如二頃田仲長樂志論生計總神仙

九疑山圖歌爲張堯仙大令作

咫尺羅浮游迹遲安能縹緲陟九疑作圖千里勞遠貽  
宛晤山靈頻索詩九山相似山山奇異嶺同勢中盤基

蒼梧象郡相連毗風雨不合青離離或言天地之總司  
便署南嶽從者誰畫師大筆濡淋漓崑崙中分南北支  
舜源峯陰虞舜祠帝王陵寢山農知女蘿挂月翻靈旗  
娥英萬古魂相追亦有仙人申太芝仙樂側聽天風吹  
長松夾逕參古碑黃色蓮花香滿池淚痕斑斑湘竹枝  
不徒哀怨靈均遺空山無人薦江離山鬼夜哭聲尤悲  
靈境幽絕誰相思海內名山端合推夢游天姥不自持  
無風引還舟可維盍作茅屋居於斯月明吹鐙讀楚詞  
蒼茫弔古厯不危祇此已具天人姿圖成便於行篋隨  
苦撻世網終襜褕橫流無處安王尼煙霞痼疾慎所師

却逕遠來同陟之德璋文慮鍾山移濟勝無具端不辭  
終當樂苑言誰嗤布襪青鞵當始茲而後同返珠江湄  
東樵西樵如列眉五嶽游須婚嫁期弦歌不無三逕資  
歸田復何用田爲影纓天閣逢 昌時 廊廟需才君  
特宜招隱遽賦淮南癡買山而隱公誰欺

哭陳春山上舍

笠屐偕吟侶

與香石殿校作端州之游

干戈返故園鶯花閑旅况泉

石殉詩魂

住西樵兩月得病而返

蠻海氛猶惡仙山畫倘存白頭

親老壽淒絕總難論

嗜酒兼能畫淋漓筆有神屢同文字飲特愛性情真結

想千秋業傷離二月春

二月初旬晤君不復握手矣

棣華零落易哭

奠已三巡

謂任齋曾簿淮湖上舍

爾子崢嶸甚

謂庚生

翩翩各擅場門基憑福命少小有文

章南浦波仍綠東籬菊又黃

喜藝菊屢約同作餐英之會

那堪離亂

後彈淚過重陽

偶檢閣架上明人詩漫賦

錄十四首

聽歌偏憶郭芳卿漫擬公孫劍器行開國詞人推巨擘

感時懷舊又昇平

高啟

東海鰻魚豈易尋何郎仲默妙悟獨傾心烏韃木笛唐音

似楊白花詞白燕吟

袁凱



疏募能營屋數間曹騰花事竟全刪如何亭長爲天子

人老西湖號可閑

張昱

聽子規聲亦復佳幡然定與謝劉偕弇州老去方低首

樂府由來勝鉞厓

李東陽

詞壇均仗廓清功抑李申何論未公宏正以還言復古

亂頭龐服儘英雄

李夢陽何景明

宗唐雅愛徐昌穀學杜當推鄭善夫海內談詩知己少

奈何恩怨不能無

徐禎卿王廷相

鄭善夫

弇州四部足千秋王李齊稱實寡儔甯待後來評隲當

曝書亭與絳雲樓

李攀龍王世貞

獄脫盧枏任俠名布衣才足動聞平四溟詩話滄溟服

白雪樓高獨主盟謝榛

十先生後各稱尊七子詩壇有定論海日篤生瑤石在

兩雄端足振南園黎民表 區大相

感舊詩存冠集中同嫌剽賊故推崇松圓詩老虞山諡

試把王阮朱竹論折衷程嘉燧

雅材無愧獨黃門幾社才人半九原地老天荒晞髮集

一時瑜亮笑梅村陳子龍

秋槐堂集久凋零淒切唐音掩淚聽鏗采埋光留片羽

桓譚復觀董東亭王 懋

燕臺偶住客秦關野史亭開不復還清景當中秋色老

金元詩律首遺山 顧絳

離騷哀怨闕千春香祖園中得替人三百年來誰抗手

嶺南復有屈靈均 屈大均

小除夕祀竈作

司命端問甚頽然醉亦宜虔供香一瓣貧貰酒千卮醅

酌余相伴清寒夙所知人間無限事痛飲復奚疑

醉司命四首

雞豬魚蒜逐時新口腹何曾敢累人醇酒當如曹相國

神茲休學屈靈均醉鄉日月心無惡比屋香花俗本淳

曉喻全非今日事，麴生風味宰官身。

香火夔夔酒百壺，呂端大事敢糊塗。祀能東嶽元君似

畫

見吳穀人集

倘南山進士殊，此日威靈同閣部。當時蹤跡

溷屠沽，世人不學王孫賈也。悔生平媚奧無

豈緣杯酒特相親，正直聰明愛直陳。官慎攸司民一體，  
神知其趣物皆春。雲車騶馬何曾駐，紫蟹黃雞未算貧。  
罪倍科頭兼晏起，醉人宜恕醉彈人。

醉飽相酬亦至情，小除計日又長征。居官止辦殘年樂，  
詣闕偏留飲者名。豈有彈章耽麴蘖，更無閒福事杯鐺。  
主人嗜酒劉伶似，罪過風流孰重輕。

辛丑除夕小港看桃花用歐陽公四月九日幽谷

見緋桃盛開韻借文緣學博

嗜花成癖日問訊隨地花開須酒后今年取次懶迴顧  
花時偏說驚紅彘桃花隔江歲除盛不賞連日天風吹  
憑誰風俗食菟髓見風俗通知我性情宜鹿菲主人有約放  
船好心緒薄惡焉敢遲朱顏嫣然顧我笑翠袖殆欲寒  
相依此花倘非得氣早絢爛亦與羣芳隨落紅無數晚  
潮急嫩萼有暈斜陽西元日杜門諒不可避人清尊還

獨攜

查初白趙雲松集皆有門神詩戲和

衣冠文武貴無加倚傍年時算起家嚇鬼翕然新氣象  
依人均作舊生涯頭銜合降稱司戶手版唯當署押衙  
一例蒯緱門下客冷官薰灼熱官差

依樣威靈降匪天僮無三尺也昂然壇猶上將刀弓動  
廟異功臣俎豆虔奴僕宮殊星落陷室家墻圯汝窺先  
庇人易得王詹子寒暑都忘主特賢

作門外漢事應差相對相當閱歲華街卒英靈新故鬼  
衙官氣昭士商家重來易主誰還記一瞬如君儘足誇  
戶限功名關得失錦袍玉帶任塗雅

門戶興衰却不分太平官府兩將軍虎頭何必矜三絕

衛尉甯徒值幾文中外一家偏警寇尋常百姓例煩君  
樓羅歷盡蕭閒甚鬼亦挪揄竟不聞

塵世功名紙上觀簪纓闊闊也單寒模糊可入凌烟閣  
靈爽誰憑禮斗壇此輩能令連歲駐穹官止得一年看  
沿街鬼擅黎邱技仗爾驅除却萬難

記從麟閣繪圖形換並桃符合有靈防禦事難相向立  
推敲句好不煩聽朱門燕去梁新斷瑣第花殘戶半扃  
那得家家題賣宅冠裳零落臘丹青

處士門庭畫恐差應門有鶴儘清華

見野獲編

職方賤豈真

如狗侍御祥偏不比鴉

見茶餘客話

墨客敢煩連夜草水仙

同買及時花高明室大彌烜赫鬼瞰頻聞笑某家

金虜當門擬不倫滿街都督本無因柴局永藉刀兵守  
瓜代居然面目新也比河汾多將相由來宿衛等君臣  
英雄種菜君知否猶作戎裝日傍人

辛丑除夕作

歲事真能了亦奇匆匆又閱五更時婦司茶素見新仍  
料理兒乞花枝特護持夜半漸看燈作穗年深真恐鬢  
成絲一家未必心情似何況人間迴不知

光陰逝水總難留心似枯禪懶下樓今夕誰同雞黍局  
半生唯作稻梁謀蕭閒事業仍黃卷少壯心情笑白頭



何止千金論一刻送年還比送春愁

蠻海烽烟幾處家匆匆歸闕半年餘生前五鼎悲身事  
閒裏孤檠度歲華酒熟預先斟柏葉詩成依舊說梅花  
今宵幸得團圞坐暇作尋恒老大嗟

依然晷刻不曾停賣桂花聲隔巷聽

粵俗除夜賣  
桂花聲徹曉彈指

夜闌如闕月從頭事記總零星生涯止辦書千卷興味  
能拋酒一瓶甯獨歲除長似此匡牀支枕數檐鈴

流光偏似箭離弦竟任羲和快著鞭極少

去

時都如此

說可憐宵却奈何眠杯檠狼籍家常話燈火青熒風讀  
編詩得名同劉夜坐

見全唐詩話

况云珍重欲歸年

米鹽凌雜負初心典盡車裘不典琴百歲聚頭妻子女  
卅年眨眼去來今華嚴劫忘偏冥坐文字緣疎笑苦吟  
膈膊鄰雞天欲曙鳴鑪重爇海南沈

關心節物少年情兒女駢闐樂事并鄰火闌珊催老壽  
市聲喧聒似承平雞豬魚蒜供除夕琴劍圖書了此生  
開道軍門猶未掩師儒紅燭夜談兵

清閒有味說圍鑪載酒江湖歲又徂乞米帖裁如願少  
頌椒詞仿愜心無新書婦檢樓羅厯臆墨鄰催鬱壘符  
手破香橙年少事冝教人詣碧紗幬

樂志堂詩集卷七